

涇野先生文集

涇野先生文集卷之三十一

墓誌銘二

明故中憲大夫河南按察司副使庸菴史公  
墓誌銘

公姓史氏諱英字廷珎世為蒲州稷山縣人曾祖諱  
仲禮祖諱伯喜父諱貴以公貴封河南道監察御史  
公登成化戊戌進士初授棗強令未視篆俄報賊騎  
至令人即日擒之後冀州盜相繼反獄公皆勦平於  
是賊不犯境棗強人好誣訟公切諭之凡布禁五十

氣如虹  
澤如賦  
觀如並  
此今人  
中古人  
也

餘條尋有酗酒不孝者公使其族人勸戒之其人遂  
以孝聞圖公像朝暮拜謁焉其督課學校周恤歲凶  
尤為誠懇一時復業者百有三十一戶五百三十有  
二口遂增設興仁社以居之其與完娶資喪者五百  
餘人出俸買藥以療瘟疫者蓋千有餘人若夫上官  
橫科不便於民者公皆拒不聽及去棗強人立去思  
碑成化末陞河南道御史嘗奉命清理長蘆鹽法  
國課充足巡按蘇松常鎮時厠駙馬兄為蘄州同知  
貪黷大著公即據法首黜之他奸宄皆望風屏迹尋

又巡按徽寧池太其俗懼嫁女之難生女多淪死公  
嚴法以禁之在臺中諸僚有所論列多言各有所托  
如江西言有某公四川山東言有某公某公也獨謂  
山西無托公曰英大有所托顧諸君不知耳衆問為  
誰公曰托天天有仁心不受賄賂人有敬畏則天命  
可保衆改容謝他日臺中糾一勢要疏成已印鈐矣  
至午門前猶豫不進適遇公問曰何以處之公艱然  
曰疏至公所宜進不宜退遂進之翰林學士秦和魯  
公彥曾稱曰剛明公正素厭人心云當道知公者薦

其可都憲以節格不果遂陞河南按察副使丁外艱  
去居喪依於禮著修職盡忠藁二十五條自是閉戶  
讀書自娛都憲即墨監公章遺書曰士大夫不遭瑾  
毒手者史公數人耳翰林學士清平張公天瑞常以  
理學稱之平生無私書每曰已不容人囑知人亦不  
從已自謂愚庸又自謂無用號庸菴拙菴以自況凡  
有所得即錄之成帙名曰敬事就正一得諸藁其言  
多主居敬窮理平生不食兔肉有餽生兔者輒命放  
之以其父兔屬故也家居每夕必焚香告天祈君福

壽又祈雨降以澤民初公性純謹嗜學采峻絕爲  
邑庠生恒以薛文清公自期待。甯太叅以桓榮稽古  
之力勵諸生。公曰。聖賢事業或不能。若金紫何足掛  
齒。其持守之嚴。官府多不能識其面。故其后之所至  
如此其粹。云乃嘉靖五年十二月二十二日。索歷日  
展視於本日上。加一墨圈於二十七日上。又加以墨  
圈于姓輩。問故曰。吾於此已矣。及日果卒。距生正統  
十四年十月十九日。享年七十八歲。配張氏先公卒  
贈孺人繼配杜氏封孺人子男三伯守憲仲守正邑

庠生早卒。季守直國學生女三一適義官馬思漢一。  
適司訓郝騰一。適國學生河津暢忠忠。蓋同舉人加  
謚持鄭尹紹狀以索銘者也。孫男一。豸女一。俱幼公  
卒之明年八月十五日葬於甘泉先塋乾隅之新兆。  
銘曰：生而不阿。死也可恫。邦之司直。鄉之馨宗。有  
綱有紀。侯化侯風。九原不作。銘此幽宮。於萬斯年。子  
孫逢逢。

中憲大夫山東按察副使霍泉羅公墓誌銘  
嘉靖癸巳四月三日憲副霍泉羅公卒于吉水居第

昨洗洗  
乎稱二  
絕此銘  
亦孟姬  
芳澤也

距生天順甲申十一月十三日享年七十矣其子翰  
林修撰洪先以公嘗籍白河舉于陝西而余陝人也  
蓋嘗習聞公之風矣具書狀問銘狀言公生有異質  
自知讀書閉戶寡出或忘寢食人稱書呆事父母能  
隨事承順顏色嘗就昏于新野訓導李君勲因往省  
族人于白河因籍白河蓋自是才學日懋白河士多  
從之遊遂見知于提學遂菴楊先生乙卯舉陝西第  
三人登己未進士授南京刑部廣東司主事廣東劇  
司也以善折獄稱蓋公自觀政刑部且已諳律例矣



以節操  
崇於  
言表

及丁外艱服闋改補工部都水司主事理徐州洪乃  
更番立籌計艤給卒驗名課直商卒雙便清謹著聞  
戊辰特改兵部武庫未幾陞署員外郎己巳調駕車  
陞署郎中庚午調武選其在兵部每堂稿咨白多決  
可否無少阿徇部尚書陰重之時宦瑾肆權或促公  
往見公比之聚雪易消歛翼遠避其他寢乳母恩澤  
之疏歲省俸米千百罷軍政金吾指揮二十餘人至  
忤尚書而不顧蓋惟知有國法不知有權勢也辛未  
陞知鎮江府府當公私俱匱之時公盡日視事寢食

亦可觀  
經濟之  
才

在在有  
善政宜  
其有念  
菴公哉

後堂乃首懲頑惡之扇訟以息刁風盡搜巧胥之僞  
漁以充公費力開四門設伏兵以遏流賊籍查沒江  
田令種新州以公葦利至于恤孤嫠舉廢墜賑荒歉  
杜請謁增學舍課諸生廣儲蓄瘞國傷罔不盡心焉  
未幾二年政通人和境內治安于是流賊盡擒于狼  
山朱衣乃頒於大廷而公矯激之謗騰矣遂改知  
淮安府至即釋冤囚九十七人究陳婦殺夫之罪發  
劉商海舫之奸斷歲久積滯之訟定市肆月更之令  
淮人無不信服焉癸酉陞山東按察副使勅整飭徐

州淮楊兵備徐當充豫之交四衝之地私販行劫浸不可制公令指揮以下皆騎射復募精兵數百資其出入于是獲五溝集數百賊釋其脅從老幼其沒入之賊以付有司歲餘積金穀數千萬至正德末年歲歉官軍籍是以生其增築徐城以弭水患疏記刁惡以俟悛改尤地方賴以久寧者也乙亥丁繼母李氏憂戊寅復除山東按察副使勅整飭密雲兵備時權貴用事公已有歸志適趙官忌公請革兵備公遂棄官歸矣日事田沼與野叟徜徉十五年無片語

猶可想  
見操守  
嚴烈標  
懷洒落

公府雖走卒亦皆稱其廉靜御史周鵠按公舊治薦其嚴明有為江西巡撫陳洪謨薦其甘貧守道則公豈非煉愷端確當世之名卿才大夫哉蓋公體貌魁梧莊重接人傾倒語不模稜亦無機械凡諸覬送毫釐不納妻孥雖在官衙蔬食供爨平生不樂俳優不觀博陸其訓子弟動稱禮法宜其駁歷所至輒著殊績也則其屬續之日風雷大作屋瓦震飛者豈亦有感乎羅氏家傳曰羅之先自唐肅宗時世為廬陵人僖懿時諱削者始居戡村遂為著姓宋元來子孫顯

貴者百數十人、載郡乘、前生達達生皎、皎生議議生  
珣、珣生龔龔生仕廷、仕廷生子文、子文生元圭、元圭  
生仲魯、仲魯生思立、思立生應熾、應熾生幾學、幾學  
生志大、幾學而上皆居戡村之東塘、志大丁元季兵  
燹、乃遷吉水谷村之黃橙基、是為吉水始祖、志大生  
岳、岳生獻、及拱、拱、洪武中舉茂才、為仁和丞、無子、以  
獻子朋壽為後、朋壽無子、以獻孫昌壽子慶同為後、  
慶同生廣海、衛經歷良、經歷生玉、贈奉直大夫兵部  
武選員外郎、配周氏、贈宜人、是生公者也、則羅氏源

何竟無  
銘

流委積于公宜其振發顯著若此又以及其子修撰  
為國之才也公配李氏封安人加封宜人生男子三  
人長即修撰娶太僕卿曾公直女次壽先聘五塘王  
某女幼居先聘某人女女子子三人長適生員周汝  
方次適生員周源深俱先卒幼適李紹生次女副室  
王氏出壽先居先幼女副室吳氏出茲修撰將葬公  
于某山之陽是宜其銘

明湖廣按察司僉事漆厓左君墓誌銘

漆厓先生左君者今南京戶部主事長臣思忠之父

楚人口碑有云  
前漆光  
似後漆  
此漆崖  
足稱矣

也一日雨甚長臣過柳樹灣言公病忠因以感疾欲  
上疏乞歸以省君予言君疾必不甚六七年間嘗兩  
會君於予東林別業採菊烹葵歡甚見體幹碩健議  
論慷慨當其時氣可塞天地志可均邦國也今未幾  
雖疾必不甚沮長臣長臣弗是也明日而疏即上踰  
月命下移勸長臣束裝且行而計至矣予於是嘆  
長臣近噬指馳歸之孝而有義方詩禮之慈矣長臣  
奔喪以銘托我嗚呼予忍能銘哉公諱經字載道先  
世長安人遠祖諱繼先者徙居耀州之漆崖至公遂

號漆厓人稱漆厓先生云當弘治壬子年纔一十餘  
即領陝西鄉薦己未登進士出授永年知縣壬戌調  
太康乙丑丁繼母憂服闋改補屯留後忤權宦劉瑾  
謫武進教諭瑾敗起知汶上縣夫永年畿輔之劇邑  
多豪右家宦寺里不可易戢而種馬之弊尤苦民太  
康民多貧窶婚姻無經雖河田亦荒屯留地雖僻而  
異時征歛數倍霍及無告其在汶上時又當流賊猖  
獗嘗數百萬圍城至旬月此其難雖多材力者皆撓  
矣乃公所至皆能釐而拯之祛一方宿害而民咸安



剔奸姦  
獎殺茂  
中外足  
先佳籍  
矣斯誌  
烏可少  
哉  
而今猶  
踵此弊  
聞近日  
陸司寇  
處一籍  
沒之家  
力破沉  
錮其亦  
罕門孫  
義平

於是太康之民喜如永年也。屯留之民喜如太康也。汶上之民脫焚掠之禍，解兵刃之慘，死而更生，喜又甚於三邑也。空同李子曰：左君為政上之人，雖或弗悅，然忠信明察，庭無留訟，奏績考上上士之好古者，觀左君可自慶已。蓋語其實能躬行也。自汶上稍遷順天推官，尋轉大理右寺副，時嚴衛校尉，多以贗功射官，執近京齊民，誣妖言，姦宄以計功，人畏如狼虎，莫敢與辯，輒成獄。公奮然曰：此等破人家傷國體，我輩尚可顧官邪？雖獄成，率平反甚衆。今少師遂菴

楊公時為冢宰聞而韙之曰左載道真廷評也未幾  
陞山西僉事兩月丁父封君憂去服闋為正德十五  
年改湖廣僉事不久又以直道數與時不合乃嘆曰  
昔吾筮仕永年即與守不合乃周流縣邑幾十五六  
年今官已至方面尚復如是將予之過邪抑道之過  
邪且予與其從容悅於世也孰與我退以守吾之貞  
邪夫道不行而厚祿君子之所恥也宦成而不歸弗  
知止也吾其已夫明年遂乞致仕浩然歸濂厓而不  
疑也於是谿田馬子聞之曰左濂厓剛毅易直可以

大授乃今遽已惜也。今年六月，天子上兩宮徽號，詔文臣五品以上以禮致仕者得進階一級，而遂以四品服色終矣。初，幼即有高志，鯁介不與嬖姦者羣，垂齟齬。讀書蔽聞隣里，八歲時遭祖父喪，即茹葷及丁母，韋安人憂，勺水不入口者三日，七日而骨立。見者憐而嘆之。他日嘗謁王太師端毅公，即稱賞曰：「此偉器，顧遇不遇耳。」然則公自弁髦諸生時，即頭角嶄然而端毅公已瞰至今矣。又何必崇階峻級然後為遇哉？性強敏，博極羣書，綜覈古今，為文朴厚雄深。

千言立就所著有文集二卷餘粹藁一卷皆其志之所在也而長臣又能克續家傳大宏遠當其所抱雖近代賢不肯讓就其至必大發左氏之幽而光之志于無窮則又何為不遇哉曾祖諱仕謙配張氏祖諱春配洪氏考諱進以貴贈大理寺副配韋氏繼配楊氏皆贈安人蓋三世皆不仕至公而始顯也韋安人生及弟綸公配宋氏同郡處士某之女封安人生二子長即長臣已舉進士科娶長安王叅政納誨女卒繼娶府同知蒲城忽忠女次思敬舉人娶富平趙珪

女思恭則弟之子皆公平日愛如已出身所教育者  
也今亦舉人女子一嫁為富平劉木妻孫男二順孫  
女三閔瑣字刑部劉郎中子光大餘幼皆長臣出蔚  
瑣字劉舉人之子芝思敬出公生于成化四年六月  
癸巳卒嘉靖七年十月辛亥享年六十有一歲長臣  
將卜以八年正月某日葬于唐原之祖塋其詳見都  
憲張公狀銘曰 來滇滇行粥粥坎茲四縣士女之  
穀侯教侯忠侯開侯樸學究毛萇政媿魯卓亦旣憲  
臺道是伸縮常服策筇土門窮谷蔽琅琅山磬玉遺

繙味玉  
松鍾英  
間氣詞  
厚哉古  
豪傑其  
儔也而  
淫野里  
過之載  
誌揚之  
中必有  
合矣欲  
表正顏

此後昆邦之璋璆玄竈馮馮漆屋之曲

明誥封亞中大夫宗人府儀賓王松仇公墓誌銘

王松諱森字時茂仇氏別號王松子澠州雄山鎮東  
火人也予於正德初病卧涇野時已聞時茂兄弟同  
爨三世矣比八九年間時茂遺人問同心堂記乃獲  
覩家範之畧嘉靖三年七月予自史館謫判解州過  
澠時茂邀予至東火遍觀祠屋及有序師儉諸堂義  
學鄉約諸所貞女烈婦四氏祠接見同會老幼二百  
餘人已而宴予於禮賓堂諸弟姪子孫皆侍時茂洗

俗差違  
風化此  
人此文  
俱當傳

彼其人  
而足以  
動星辰  
表風俗  
即通顯  
世儒流  
首坐下  
席矣

爵酌獻於予謂諸弟子曰此公而至吾家止為有家  
範耳諸子弟如不能守訓痛祖先於地下辱名公於  
四方矣言未訖雙淚如雨而下予亦不覺涕出已而  
嘆曰予之此行忽身入夷惠之里目覩時雍之俗矣  
然讀書至取科第有官內外乃無毫髮益於人豈能  
如時茂哉越明年時茂訪予於解州留數日聯榻於  
運城王生之書館而別歸遂重訂鄉約集成請刪改  
序題又明年創建雄山書院請為記然記方在途而  
時茂不祿矣實五年十一月六日酉時也距生成化

四年三月九日壽五十有九歲其從弟時欄具狀遣人索銘狀曰兄之父諱鴻字騰時潛德弗仕學者私謚為貞篤先生母丁氏實生兄年十四失怙從致仕教諭陵川姬先生彰學有志科目潘潘內丘恭僖王聞而愛之遂選為上艾縣主儀賓瀕選王夢玉松三株植殿前茂甚及見兄名三木深喜焉後因以為號弟監生桓十餘歲時即進為郡庠生居城中桓嘗有疾親為煮粥既愈小試得雋即望秋舉代已以顯厥親夢放榜松杪詢其無名遂大哭而寢一妹適潘陽



衛指揮張淮則時周給之若母黨之親有事至城必  
館穀延款極敬厚焉弘治九年母忽疾痰籲天願減  
年以贈母壽旣卒哀毀踰禮又恨父終方幼遂設主  
同母靈追莫三年不御酒肉聞從弟義官朴入京忽  
感汗疾即日以一騾一僕往視之中途果遇相持頓  
足而哭如更生他日叔父義官鶴得鄭氏旌義編於  
從叔父義官轡常議欲推行未就而卒乃同宿州吏  
目兄楫偕羣從弟以禮葬叔父畢即謀繼其志遂立  
祠堂述家範常見周公程子於夢寐兄為大宗子府

弟違祖宅八十里、每遇時祀及朔日、叅祠清明墓祭、雖祁寒暑雨、靡有失期、若得新物、必使人致而薦之、然後入口、初祠堂成、齋沐三日、祭畢、效鄭冲素作誓詞一通、○詞云、吾家子孫及諸婦、敢有不孝不弟、不同心協力、以保家範、或積異財、潛謀分拆者、祖宗達於神明、殛罰之、勿使敗壞厥家、○各書名畫字、讀而焚之、衆皆凜然退、今二十餘年、子孫未敢欺上行私、家範旣成、婦女小子有過舉者、輕則會衆誨之、甚則自罰跪而搥其面、衆皆不忍輕犯、在城閨門尤嚴、三

尺童子不入中闌。雖縣主聲款，殼亦為之寒栗。置玉松別墅於南庄，以適情。有負暄亭，吸月臺，綠野樓。秋夏常居。連月疏食，藜羹與傭人同苦樂。鄰庄一僧寄錢二十緡，十餘年無人知其僧。暴卒，且無弟子親屬，乃出所寄錢以葬。僧餘皆頒於僧之鄉人，創斷金會於城中。與同寅牛宿栗郝四君，每月五會，講讀四書周易，司馬通鑑，務體諸心，而見諸行，有獎有罰，且誓於本州城隍，干謁有司者，諸神必連天以殞厥身。廩廩前郡守申公曰：非飲射讀法，不得一見五君子。

其守巡提學諸公至澇者多詣會所談論移日冀南  
分守三原王公躬訪於家值兄他出則謂子熙曰女  
父學行俱優我稔聞之呂九川矣正德六年五月間  
一日忽迎養祖母陳於城中至六日而派賊奄至大  
劫東西火村其前一日合家婦女亦就陳母得脫去  
澇人皆以為孝誠所感賊漁獵臨庄婦女間有不從  
賊而死者趙女袁女焦婦王婦四人兄嘆曰此輩若  
不激揚風俗自此汚矣於是具四女婦事實同會友  
四人呈諸巡撫王公獲給葬銀奏聞豎碑建祠載

在祀典其後聞風而起者又有二焦平丁四烈女婦  
馬初流賊之初至也索馬否則火其家兄曰放火一  
家之害與馬則害及四方矣乃不與馬巫火其家而  
不恤鎮國將軍孤巖及西火人王俊者羣子也百戶  
劉璽者忠人也兄皆白於巡按王公移文以獎之於  
是一鄉咸以不為善自愧張橫兄弟異居數年而復  
合秦倫王經及家僮王堪郭交倉喪親三年亦不御  
酒有子熙郡庠生則使之越大行山從覃懷何粹夫  
先生學謂之曰汝去不特取法文字凡事皆宜師也

城中第宅年久零落盡撤舊飾朴素渾堅或嫌其太  
素兄曰不云居第傳子孫乎是歲門之南北槐十餘  
樹慈烏巢居殆遍識者以為孝義所感嘗於積雨行  
途中甚難即覓工十餘自南庄至城二十五里皆平  
治之以便行客山西大叅苑洛韓公嘉其孝義自冀  
北移文獎勸兼犒羊酒以賀焉乃一日嘆曰昔人上友  
千古而吾未及一鄉於是吊虎谷先生於和順訪隱  
士趙王泉於蒼溪又北訪寇涂水公於榆次西問喬  
白岩公於樂平南謁韓司徒公於洪洞又西謁陶司

馬於絳州。又南謗李司徒公於沁水。東謁張僉憲於下庄。解州之行亦是時也。四年冬以年六十倦於勤勞。藩府朔望朝參不便。手草奏稿欲辭祿。創高樓軒于南關外。謝絕人事。以琴書自怡。遣人至京商於諸名公。皆以為不可。乃止。然兄於斯祿以宗室漸繁。得之亦未嘗獨享。正德五年秋支二百金。遠近族人給銀伍錢。以百金糴米。遇時艱食依原價糴給鄉鄰之困乏者。因流賊兵火八年。又支百金。族人如前各給錢一緡。鄉鄰為酒食大會三百餘人。嘉靖四年

奏准祿米折支河東鹽又得二百金二從叔母及族人置上衣一襲是歲同會百七十六人皆置深衣各一襲布履各一事有例許並里分本鎮六里人多雜處數年借貸差稅不便兄謂義官弟朴曰若併作一里此先宿州兄志也於是費百五十金有奇而里併自此二稅及諸役必以俸銀依官價代輸後收原本不受息自正德改元以來凡遇大比必餞贐諸士曰此吾里選之賢也今年春偶感寒疾方汗小愈因直篤先生忌辰冒風祀於祖宅復作不能行遂宿南庄



夏至當祀於祠堂扶疾齋居後移入城中疾數月召  
子熙謂曰人生五十不為天我又加九矣倘不起請  
汝石岩叔父及鄉中知禮者考禮以葬我終之前夕  
天隕一星光如月城中四鄰皆駭之知事者謂必失  
一大賢次日兄卒云卜明年二月二十五日祔葬於  
陽堰之原所為詩文有玉松稿家譜及刊行雄山集  
鄉約集成貞烈倡和集虎谷王公墓銘諸書子熙廩  
膳生員即上艾縣主所出娶李氏廣平府判堂之女  
女二長適同里生員牛順次適會友牛麟第四子翼

孫男一、小字克昌、孫女一、適真定府通判夏仁孫生  
員尚禮、嗚呼痛哉、夫時欄讀書嗜學、棄官樂道者也、  
其狀與予所見又甚合焉、則時茂生而愛親、敬長友、  
弟睦族、親賢化鄉、濟人利物、不畏強禦、克憐無告、真  
非虛生者矣、其終也、聞吊客千餘人、哭之如喪親戚、  
行客嗟於途、婦女哭於室、使當時科目得志、或者又  
未能如斯也、獨惜夫洪義廣德、乃天不假年、以厚濬  
俗而風四方、何哉、予於是三收淚而銘曰、楊楊周  
黨、明明王烈、上黨風微、玉松手枯、侯孝侯忠、侯志侯

節澤有鶴鳴。谷有蘭岳。鄉約化遥。家範斯揭。藍田再  
輝。江浦重摠。梓匠僕僮。亦是改轍。羣彼春榮。愛莫敢  
折。仕或業。藜處或德茂。我相王松。不愧前哲。惟山嶠  
增爾家與埒。

勅封兵部郎中吾核鄭君墓誌銘

月照樓  
臺風送  
鈴鐸殿  
影有從  
米矣鄭  
君其焉  
宗學武

君諱儒泰字亨道姓鄭氏浙之海鹽人兵部職方主  
事曉之父也生有懿質敦敏不凡長籍邑學以治蔡  
氏書鳴屢舉不第學者稱吾核先生云乃正德甲戌  
折大夫貢之 大廷三試之中得司訓于遵化凡所

式宜錄以

條教皆敦本實而後文藝躬行以率諸士當是時遵  
化乏科也則擇八士使與晁共治蔡氏書未幾果舉  
二人遵化人以為難一日倦於仕乃告諸巡撫王公  
倬王公不以為然也君曰泰有子晁也亦能學為舉  
子業但恐行檢或不習雖文無益耳泰若獲歸也將  
使之學于家庭學于宗族學于鄉黨庶他日可用耳  
王公重其言檄邑中與治行具君深謝弗受焉初君  
自甲戌入京也携晁以行凡道跡所經輒以教之曰  
有某地有某賢可師某山有某險為要某郡有某跡

可考。皆歷歷指諸掌。癸未之科，予與貴溪黃先生共閱書卷，偶得一卷，即共訝其學博而材高，言諸主試先生。先生曰：「非常士也。」列上等，拆其名，晚也。及仕為職方，或乞改南都，或辭選科道，十七日而奔母喪。三上疏而養父疾，端方自取，不隨時俗，與予所閱文字實不爽。抑豈知其蚤有所教，皆君之道邪？初，君幼喪母，劉卽知追慕，方八歲，父東谷先生遣事塾師，輒易其業。小學孝經，不督而習，比至成童，經史及古文詞，率能涉覽，暢通大義。嘗隨東谷先生提舉嶺南，居處

淡泉之  
在襄寧  
知名最  
久後進  
之士猶  
能道其  
策以取  
科廼邇  
厥考不  
但學問  
優長且  
人品孤  
高固知  
名士之  
發信有  
自云

服食惟承父意及東谷先生歸卒當是時庶母某在也庶弟與妹在且幼也王母李壽八十亦尚在也君順孝兼懋友于咸篤既治弟室妹亦有家未幾王母歿營塋之弟及妹相繼以歿營塋之有遺孤焉又與嫁娶之他日家遭回祿急抱四世主及昇亡弟之柩以出也不顧貲所配安人費氏者常嬰貞疾三年不能言夢無姬妾或勸之再娶不許後疾竟愈與偕老又嘗辟塋收族計塋十喪其貧屢失歸之輩輒出穀以飼久無倦色及晚既貴有欲寄田十頃者懷百金

以賂輒峻卻之置其人于法他如汲引後進之學躬  
化北庄之情聞人善而樂揚見野尸而收殮以讀書  
耕田學醫為世計以胥掾商賈星術為家禁勵志於  
史學究心於世故交遊不妄取予甚嚴習儉于敝床  
紙帳服勤以養魚種韭則其所以教職方者蓋不啻  
道踞之間家庭鄉族之中而已也君先世本汴人宋  
南渡迂籍海鹽至元有元範元琰者學行顯於時明  
興宗人罹難高祖考士洪處士再仆而起以貲雄于  
鄉士洪生伯璣伯璣生信菴皆以隱德名信菴生東

谷先生諱某治行峻潔治蔡氏書門人多登科第去  
配陶涇劉氏是實生君則君所源流者固已茂哉遐  
乎君生天順辛巳九月十一日卒嘉靖己丑九月十  
三日壽六十有九歲以晚貴封如其官制辭至有性  
稟方嚴行敦孝友之褒配費氏建寧令琦之女有令  
德壽六十有一歲卒於嘉靖乙酉十月二日事在修  
撰姚君涑撰志生男五人暉昕時曉晞暉娶長水李  
氏昕娶陶涇步氏繼水南馮氏時娶梅園李氏繼邵  
氏曉娶陶涇劉氏封安人蓋嘗以身留養君而君不



許乃付劉以養君身獨之任而君又遣人送之入京  
至澠而卒者也。晚又聘劉氏尚未娶。晞娶沈氏晞早  
卒而沈年二十不改節。今已十餘年。女一適工部主  
事錢木亦予所知士。曠卜庚寅年十一月十六日合  
葬。君費安二千。長水鄉勾城山。晚以其僚職方郎中  
華君鑰狀問銘。銘曰。石石其常。庭庭厥履。既飫前  
涇。不耽于仕。茹苦。滄辛。周道是砥。齋于其身。豐于其  
子。亶發尔畜。為邦之羨。樹有遠揚。孰求其柢。展矣吾  
核。有員其社。勒銘玄珉。以遺來軌。

丈夫道  
理悉從  
義利處  
索鑰此  
君其看  
破機關  
若乎宜  
其教子  
能官也

封南京吏部主事愚逸顧公墓誌銘

愚逸先生上元顧公諱紋字廷繡前都察院右副都御史以浙江左布政使致仕璘之父也先生本蘇州吳縣人洪武初曾祖通以丁繇徵隸司空遂籍上元通生海海生處士誠室華亭陸文進女實生先生暨其弟綱縉紳焉璘任驗封主事時封先生如其官璘守開封時遇詔例授四品服色及璘布政浙江擢右副都御史巡撫山西尋值郊恩當封副都御史移文矣乃璘請終養上命照原官致仕故先生之

封未究云璘晚與柟交厚故於先生之歿以其弟按察副使璟狀問銘焉按狀先生生有偉質虬髯電目音聲如鍾坦洞樂易無拘泥所至人多親就乃復警敏閎濶拮据瘠瘁克聞于賈蓋雖不學研桑計然之策然所為輒若天授故數操奇贏致上富性復耽義不屑儲積遇喜予擲數十金如糞土或斥其愚則曰我性如是乃安後遂以愚自號豪于南都南都人無大小無弗稱愚逸翁先生上事處士及母陸極孝敬母兄綸獨則養之終身不衰母陸常謂綸曰即吾兄

有子豈能加是乎則先生于父母者可知已初居第  
在青溪上燬于火遂請諸處士讓其居址于伯父謙  
別建居于今存義里他日謙與子紀又不良于業乃  
數分肯甘以問養婚嫁乏仍相之耑老不知倦同三  
弟爨五十年隻錢尺帛不私有子姪有費必均裁乃  
若從母朱氏二妹湯氏劉氏皆貧不能家其饋收育  
逮其子女無已焉則其所不屑儲積者其多為是乎  
初璘舉進士授廣平令先生居官舍絕口不問公府  
事雖䟽果不通人及居開封猶廣平也及居台州猶

開封也。當開封時，璘忤中官，被逮謫全州。先生撫璘于汴河上，曰：「此大丈夫事兒。」委身國家，足矣。無我慮。夫先生于公事顛沛之際如此，則其居常于父母之族、兄弟之黨者，可勿言難矣。嘗買奴數，日後其父來把奴，手泣苦甚。先生即并歸其直，見戍囚妻子困踣于道也，捐數金與之，不問名姓。他日寄錘于龍江李氏，直百餘金，踰年取之，李已費不能償，卒不理。司空有大作，四方匠集省署，先生拾遺五十金，號署門三日，無一應，則盡散之同行者，不自私。夫先生于奴

隸路人之處如此。則于公家之居。仕途之遊者。可勿  
言難矣。初先生年十七。有急難。方避匿。遇相士言其  
暫晦。無過。恐自此可致多貴。名日顯。有子登朝。躋膺  
仕。壽考令終。流輩莫及。自今觀之。則其身所致有者。  
又豈偶然者哉。先生終于嘉靖十年九月十八日。距  
生景泰乙巳七月十一日享年八十有三。歿之日。內  
外䟽戚奔哭相續。多失聲。從弟紀年已八十日。居喪  
次哀戀不忍去。則先生之平生者。可勿言難矣。配楊  
氏。封安人。實嬖厥德。先生五年卒。子男二。長琮。先

卒娶某氏次璘初以文章詩賦同慶陽李夢陽濟南  
邊貢名天下邇復一志道學追明古昔為時名卿先  
生于是乎為不沒矣娶某氏女三其二側室崔氏出  
孟季適孫綱王教俱先卒仲適府學生陳策孫男四  
岱嶼峙早卒孫女二長適俞璉次幼曾孫男六復  
祥發祥得祥恭祥賓祥一未名璘卜某年月日塋先  
生于安德鄉石子岡南樊家山祖塋之次合楊安人  
之塋是宜有銘銘曰 有來矍矍其去脫脫耽義弗  
勞嗜禮如渴既篤于親亦衍吾樂晉有曠達漢有矍

錄。為道雖殊。于志咸合。義方之成。儒雅之碩。雖千萬年。公也不沒。銘茲堅珉。九原可作。

誥贈禮部郎中東樓劉公暨配封太宜人翁  
氏墓誌銘

誥贈奉政大夫禮部郎中東樓先生者。諱槃字學賢。福建莆田之金橋人。廣東提學僉事。祀為鄉賢。諱武者之曾孫。江西新昌儒學訓導諱淵者之子。今山東叅議前吏部考功郎中紹功勲之父也。先生生而蚤悟。綽有逸氣。嘗受蔡氏尚書於國錄翁先生端。即暢

余習



劉之  
為人讀  
所為銘  
畧然有  
隱德者

大旨天性篤孝事父新昌暨母鄭氏日致懽愉新昌  
雅耽賓客醢酒買鮮先意與辦至當缺匱陰行自貲  
新昌俸入無幾晚獲一羶先生即推與弟素慕郭元  
振范堯夫之為人貨貨出入脫然無繫道遇乞兒或  
解衣以覆其與人交洞示肺腑蔑有蓋藏嘗遊業江  
廣所至人樂從遊在瓊州時里有黃誰者旅邸相依  
黃病疫棘日與候事人曰子萬里人也盍自愛諸先  
生曰繫固念夫萬里之靡依者耳黃歿又與營其後  
事尋先生果亦染疫瀕死而甦亦無悔言嘗貸人金

蒸古  
道

既償矣其人復來責先生識其償日甚的也其人欲  
誓以自文先生遽掩其口曰吾忘之忘之亟別貸金  
以再償與庠生陳應奎友善父而益親疾日往視瀕  
革握手與訣哭盡哀朔望過門必入揖其靈他日遂  
聘其女以為紹功妻今封安人者也及紹功既貴則  
遺書令自檢押謙恭清慎克去急迫無速官謗以光  
前德筮仕刑部凡奏讞平反退必歷問數稱韓億  
訓子之事以示警及紹功改吏部則又丁寧語之曰  
考功之予奪人猶刑部之生殺人也其滋特慎秉公

無私以負君相簡知及受封考功主事入謝闕庭  
風神俊雅縉紳榮羨蓋先生所不見之志乃於紹功  
而紆矣所配封太宜人翁氏者天性慈惠孝敬克成  
早通孝經列傳舉動有則跬步不失尺寸至見一蟻  
不忍踐傷既歸先生克順克承盥饋有乏輒棄首被  
珮環以給務使專業不遺內顧憂紹功生而垂齟內訓  
尤篤或見嬉戲必加褫責數稱寇母引鉞撻足及翁  
劉二氏先範以作其勤及紹功既仕聞覆一獄輒驚  
坦廢食或見臺皂衣食苦惡輒與惠恤諸孫男女衣

或補納食或粗糲則曰正不<sub>可</sub>恤安忘儉耳門內常  
不聞人聲。紉箴績製躬率厥下而寬和肅穆以為陳  
安人先紹功欲答一僕則曰此亦人子也有過諭之  
徐當可使耳紹功嘗納側室則謂陳安人曰此亦人  
女也當以吾女畜之耳紹功每有交遊必察聽其言  
論以示邪正使知所趨避後皆妙中有飛謗者則曰  
處要者叢忌受大者藏汙不辯自明後謗果息紹功  
嘗同群臣以議禮獲罪杖于廷創幾斃太宜人不  
加憂惟曰此臣子分耳及歷轉稽勲驗封考功亦不

加喜。曰：任重校艱，兒惟勉以自副耳。在考功，持譏不合，又教紹功避位，改南祠祭郎中。所受封及東樓先生之贈，官皆以是也。他日嘗歸莆，微時妯娌肆凌傲者，多愧慙。太宜人絕不為意，且加善遇。及舅姑繼逝，盡發已藏以為歛具。或言縑帛已美於舅姑，蓋自曾祖以下及諸伯叔十喪皆完，其壘以成。先生遺命紹功之志，於是家人內外雖親戚子弟皆仰太宜人如慈母。鄉大夫士宦遊兩京者，率傳其事以為家訓云。夫紹功起家甲戌進士，歷官清要，銓衡人物，無所虧。

蔽而直躬秉明遜于不耀士林推重稱台輔器柳豈  
知其皆東樓先生及太宜人之道哉初先生本光州  
固始人唐天寶間有諱韶者仕為泉州別駕其子友  
占籍于莆傳十七世諱政者于宋仕為國子祭酒禮  
部尚書乃與著作公夙秘書公朔三從兄弟共倡莆  
踐履之學至二十四世院判公諱應龍贅居奉谷里  
蚶山莆頭其後屢迂里之黃岡鰲山至明興宣德  
中提學公起家庚戌進士始所居金橋生子鏞官  
壽官是生新昌則先生之道所源流者亦甚遠乎翁

太宜人亦名族蓋宋侍郎侍制莊公夏之後中世鰲  
遷襲翁林自曾祖福祖述父端皆三世教授郡縣及  
國學者也然則紹功之有今日豈偶然哉女三黃應  
奎張達吳文者其壻也孫男三長塤紹功所配陳安  
人出娶鄭叅議光琬女次泰梁出孫女一字廣東左  
布政使方公良節之孫攸躋曾孫女一紹功將於某  
年月日奉太宜人合葬某山之原是宜有銘銘曰  
章乎其來岑乎其乂有道不言無命不守身是困窮  
乃開爾後秉直不那力辭銓部所求旣獲於爾何負

部郎不  
辟中貴  
足規死  
葦者內  
交者矣  
夫人孰  
肯甘心  
也者多  
由徑路  
山中脫  
也

足休前聞百代勿朽我銘貞石日月爾右

明工部郎中東丘楊公配安人潘氏墓誌銘

東丘先生諱榮字時秀姓楊氏又號一齋其先關西人自其八世祖益之仕元為大使卜餘姚縣學宮之東依櫺星橋居焉至厥祖自莘家業日盛兼敦詩禮門挺古榆翦鬱遠望江南北呼為古榆楊氏然即喬木著姓矣自莘生泮隣君名宜振以先生貴贈工部主事配王氏封太安人次配傅氏寔生先生者也先生生而穎異日記書可千萬言史省菴若自教諭致



仕以蔡氏尚書開講里中先生從之游遂淹貫史百家氏又為詩文立就省菴大奇之成化壬辰登吳寬榜進士授南京工部都水司主事陞本司員外郎丁傳太安人憂服闋改北都水司員外郎陞本司郎中督理徐淮以南河道疏疾歸養執政者方議大用而先生卒矣初先生受性剛介居官風力幹敏動著成績於南部管造進貢黃船北部提督器皿廠程工建規授奸剔蠹其綜理周密中貢莫能撓奪且歲計既省而任載供用堅久陪常比督理河道 璽書刑部

只此兩  
言振衣  
千仞豈  
問路而  
泣路者

不識滋練於是濬河渠以備淤塞堅隄防以葺閘壩  
視水道盈縮為下上啟閉之節官民轉漕之舟至止  
鱗次酌緩急為先後懸畫一之規不為豪右所假借  
貴戚有全姓者不能堪執一貢士摧辱之以逞其私  
公毅然立置之法全密為飛語馳訴於上被繫禁  
獄人咸危之先生了無懼色且賦註獄中以自明○  
云自保此身無屈曲肯教大廈有危顛會有大司空  
劉公者昌言於朝謂鋤強梗以右漕舟巡河職也  
此而獲罪後將何勸抗疏為辨竟復其官河道賴之

嗟乎使天假以年、當其建立碩勲、偉庸銘彝、勅鼎、又不知何如也。初先生事泮隣君、暨王安人、養盡其力、喪致其哀、至迎傳太安人於留都、儀物滋備、兄弟四人、以家衆析產、公一無所較、念伯兄諱芸者、厄禮闈之火、撫給遺孤、携其次子簞於留都、延師誨之、而底成立、發科第、至郡守、其服膺史省菴之訓、即與其子太保一拙公、誼若兄弟、子婚其女、締好以垂世、世夫先生之治行如此、宜其見於政事者、卓然不羣也。先生少肆力翰墨、在太學時、與闔之林公瀚、公仁傑

輩二十五人、為文會、嘗試禮闈、而南舟次旬月間、取唐音和成一秩、平生更精研理道、有所得、形於箴銘序說、以紀之、海內名勝、隨遇有作、麗澤集和唐音、見梓行焉、一齋集藏於家、又喜為草書、筆法遒勁、其寫墨竹、瀟灑出塵、有刻石以永其傳者、蓋先生於其大者、既已如此、宜其發為緒餘者、不勞而度越乎人也、配潘氏封安人、前以賢良方正諱、為侍御史諱楷者之女也、事泮隣、召傅太安人、極盡孝、故得其懽心、及歿、喪葬靡不曲用其誠、其事先生往返禮闈、經費勞

歷考先生之生平亦才而正者宜其有子若斯矣

勸不辭其艱而處妯娌欣然終其身無少忤薦祀必親待親朋御婢僕周窮困皆有義先生生正統戊午十一月十八日卒成化丁未正月初九日享年五十安人生正統辛酉五月初五日卒嘉靖戊子八月二十一日享年八十有八生子男一名策贈刑部主事以書經起家為仁和駙馬府訓導猶介無忝家風女一適成都府通判翁睦贈君娶某氏生子三長大章舉嘉靖癸未進士予同考禮闈所取士也兩知瀏陽歙縣以旌薦擢刑部主事大同卒叛選遣才賢改調

職方頃以營繕繁難復晉工部員外郎繼先生之志而闡其經濟之蘊者必此夫也次大部大夏孫女二長適鳳亭周諫次適庠生承閣周大宜曾孫男三長成學偕大部大夏俱習舉子業次成器成志尚幼孫女三長適陳都憲省齋仲子有孚餘尚幼先是先生之卒已葬其祖塋洋溪山之麓未銘也至是營繕將舉太安人之柩合葬焉乃以其外弟都指揮孫君堪狀問銘義不能辭銘曰 有懿東丘天授孔方既篤厥親亦友於兄誕其懋學百氏咸章粵仕都水南北

予閱此  
五冊惟  
見全壽  
真稀之  
稀者

著聲鮮船有度內器有程中遭奸訴於正滋光位不  
滿德令聞京京宜爾有嗣發潛於明紹開嘉績為邦  
之良載其休風如江水長

明封御史南溪于先生暨配孺人莊氏周氏  
墓誌銘

封御史南溪先生于公者係出揚州儀真

國初編伍鎮江衛尋調滁于至諱廣德者遂藉於滁  
生子能號椿軒配蔣氏寔生先生浙江按察使整之  
父也先生諱瑾字孟玉生正統丁卯十月二十四日

德格 必量 福以 盡貽 孫以 知明 物其 其文 長地

行年九十有一歲至嘉靖丁酉四月二十九日終於  
正寢先嘗登堂一拜風神如仙世鮮有壽如此高者  
也所生男子四人女子二人孫男子十有五人孫女  
子四人曾孫男子六人曾孫女子七人將來且未艾  
世鮮有子孫如此衆多者也滁之西南林壑殊美醉  
翁豐樂諸亭峙焉釀泉湧出於兩峯會瀦於城南實  
經其別業清徹洞底先生因自號曰南溪然旣以鑿  
貴封御史復承

恩詔獲膺副使服色豸冠金紫遊樂林泉鄉山生輝



乃復有 同鄉韓陽信、毛礪菴、潘竹澗諸公觴詠其間。而少卿無錫思泉呂公舉鄉會以淑滁俗。樂先生行誼禮廬敦請以為會長。滁之鄉飲大賓或缺。州守陳君躬聘先生辭遜弗獲。乃一就之。閱數歲辭以筋力不能為禮。世鮮有安處善樂循理如此其久者也。洪範五福先生其殆有之乎。初先生旣捐儒學。因治家人生產作業。偕其弟琇同心戮力。夙夜經紀。家是用振。凡鄉中有患窘者必周之。有爭辯未質決者必為之釋白。各服其心。不以煩諸官理。癸未歲凶饑。草

此實所  
難得者

虎牙峰  
螫即盛  
德于公  
所不免  
何怪於  
也則行

枕籍乃命子敷收殮行屍冢於城南隙地踰數百人  
不以為厭其友於厥第久而益篤兄弟年皆逾八望  
九矣猶同饗食不索居人多稱難方鏊之舉進士也  
即戒諭之曰廉勤士之大節爾將有服官政宜圖稱  
厥職無事利祿壽躋九袞預告子孫輩慎勿受賀勞  
人牧生非所願也州守林君函文以辯始肆宴樂家  
衆咸萃五世羅拜滁人以為美談然則先生之獲有  
多福者豈偶然哉初先生生而端嚴不同群兒乃復  
醇慤不詭耽誦書史已被督學御史選中州庠弟子

路者無  
以此隱  
遠志無  
人者無  
以此厄  
鹽車牛  
燕幾夫  
此豈直  
幻于公  
雅量天  
道之果  
應章  
也殺人  
者得無  
惕然於  
茲乎

員名會為他吏所梗。不果儒籍。隣有惡少。怙勢陵轍。里中咸被其害。尤毒於于氏。行路皆弗平。先生怡然容受。百不一辯。計將擇處里仁。以避凶焰。未幾其人客死。夫當其時。他吏梗為有權。惡少恣橫為有勢。然由今觀之。他吏及惡少皆朽腐。化去其子孫亦淪落不存。而先生身享興榮。子孫蕃且賢。如此其盛也。豈不足以為善者之勸哉。易曰積善之家。必餘慶。於南溪于氏又一驗之矣。配莊氏贈孺人滁隱君敬之女。端一恭勤諳曉大體。隱君家裕而其配適逝。諸子

多不立獨鍾愛孺人俾暫攝家孺人委曲調護卒全其天性之懿及歸先生相愛以禮雖遇憾獲亦皆有恩井白中饋諸苦辛事皆身親任之孝侍舅姑得其歡心姑性嚴肅書喜謂椿軒公曰吾家得人矣凡諸內務一以委託視如己女姑嘗有疾孺人躬侍湯藥夜禱北辰求以身代鄉人以比佳山南母事唐山夫人云乃成化癸卯七月十三日卒距生景泰庚午五月十五日壽三十有七歲先生乃繼配周氏封孺人者也性稟慈諒少失父敬育於母嫂端處閨閤專藝

女工親鄙罕覩其面及歸先生動循禮度家指日繁  
綽能料理善處妯娌久無間言整方弱冠尚未有室  
撫存教訓不異劬勞乃嘉靖庚寅九月二十四日卒  
距生成化丙戌六月二十六日壽六十有五歲則夫  
二孺人之淑德懿履雖出生質姆教之美然而孰非  
先生之刑于乎所謂四男子者長即按察使有大才  
未究其用次鑒早卒皆莊孺人出次敷次效并女子  
子二人者皆周孺人出女長適安生次子舜臣次適  
劉太守孫夢龍孫男子十五人者野亭光亭泰亭俱

聽選監生咸亨節亨乾亨坤亨巽亨吉亨心亨復亨  
謙亨中亨節亨亦早卒曾孫男六人者世財州學生  
世延世建世基世德世範莊孺人於成化癸卯九月  
葬於冷水塘北祖塋周孺人於嘉靖庚寅十二月葬  
於莊孺人之側至是鑿奉先生之柩合葬焉以與予  
同年也乃具狀使子姪渡江以問銘銘曰

猗嗟先生素履孔遐早開書史繼而藝禾兄弟戮力  
肇建厥家或梗於吏或侮於他中歲未暢百爾蹉跎  
誕其誠敬行業咸嘉孝友兼勤同居皤皤乃周困窘

尤瘞行魔宜爾有子建廉訪衙利祿不寶金紫紆華  
同卿為友鄉會恒酖行年九十耄期無差曾孫百指  
壽觴前羅匪爾碩德胡福有那銘此貞石以戒後衰

涇野先生文集卷之三十三終